



通志堂集卷二十

附錄下

輓詩

徐元文

有儀者鸞何翮斯顏有祥者麟何角斯摧蘭芝晨
隕楸檟暮開萬化奄盡愴矣其哀

又

之子國彥夙章芳問請業虎闡禮舉義振展策璇
墀金相玉潤心乎愛矣古訓用競



又
帝曰爾才簡衛左右入侍細旃出奉車後信著闕
廷才軼倫耦退沐有時念結師友

又

子之親師服善不倦子之求友照古有爛寒暑則
移金石無變非俗是循緊義是戀

又

灼其春華詎曰非實殷其膺仕詎曰非嗇奮于高
閥儒素是飭言有慨慷情無矯飾

又

子兮能孝乃棄晨昏子兮能忠不究 君恩飄零
翰簡寂莫琴尊陳迹終往朗譽長存

又

玉樹土埋昔賢所痛曾是斯人而能不慟黯然風
回悲哉日霽欲歌難終惟情之壅

彭孫適

茂陵遺草尚如新寂莫空堂撤瑟辰花拂茵簾偏
易萎玉埋丘隴竟何因鄭莊驛舍生秋草荀令香

爐衰暗塵多少龍門舊賓從筵前漬酒各霑巾

嚴我斯

經年出入傍宸居瀟灑襟期物外疎馬蹋花香金
驥裏硯承仙露玉蟾蜍趨朝祕殿垂清珮退直閒
窓看道書歎息文園多病後祇今誰似漢相如

又

小築花間舊草堂芙蓉爲帳墨爲莊交遊座上多
縫掖檢點詩篇愛晚唐緱嶺吹笙人獨往山陽聞
笛自神傷可憐塵世元如夢好輾飈輪出大荒

又

花落空階月到軒每從佳日憶西園種來仙草難
蠲忿燒盡名香不返魂賦鵬可堪悲賈傅買絲真
欲繡平原懸知慧業生天上人世蜉蝣且莫論

又

通志堂前勝事多好春時節一曾過興來欲跨仙
人鯉客到還攜道士鵝感舊故交惟有淚傷心市
上不聞歌池塘一帶頻回首秋雨瀟瀟落芰荷

孫在豐

通志堂集卷二十一
最憶東堂日芙蓉鏡有君絳紗吾豈敢玄草爾多
聞抗節凌千古登壇樹一軍猶餘十年夢風雨泣
斯文

又

落落君懷抱交情澹始真世人成鹵莽吾道歷荆
榛自覺盟心在誰論會面頻三年兩見汝今日黯
傷神

王又旦

家承公輔貴班列近臣高間氣標千古清聲徹九

臯玉樓飛藻績仙樂奏雲璈何遽觀齊物丁年自
解弢

又

於今推大雅能不念修文泛愛無遺物高懷自軼
羣綠尊空玉露縹帙散香雲竟掩宣尼袂傷心處
處聞

又

宇宙堪長歎雄才更有誰星精原久照石火歛相
移甲第榮三策勲名邁貳師獨來賓館客想像動

餘悲

又

夙昔頻相許神交託此心春風迷紫陌夜月杳青
岑舊榻琴聲冷新松劒氣陰淒涼萬里餞援筆有
哀吟

喬萊

每插金貂謁紫宸十年帷幄最親臣只今三殿星
班裏無復朱衣上直人

又

彎弓下筆事難兼天授奇才賦子偏七萃橫行霄
漢路承恩獨自奏甘泉

又

遺文金石半銷亡好古冥搜雅擅場他日若爲人
物志好將名姓繼前揚

又

文采風流劇夢思寂寥吟院冷書池時無暈碧裁
紅手一曲猶傳樂府詞

又

時開賓館倒芳尊愛士情同挾纊溫華屋山丘三
歎息不堪騎馬過州門

又

長埋玉樹嗟何及遽掩金刀痛莫追一慟寢門人
歇絕山陽詩酒更何時

秦松齡

臥病空山暑未闌奉君書札勸加餐含情欲報聞
君死尺素重開雪涕看

又

爭說新恩寵賚頻八年宿衛一親臣朋遊聚散尋
常事端爲朝廷惜此人

又

家世由來近斗魁螭頭橐筆羨多才春風馬上詩
成早知是甘泉侍宴回

又

烏絲闌紙薄如羅破體書成小令多南國空傳紅
豆曲畫堂誰賦雪兒歌

又

奉使龍沙路幾千歸來身在屬車邊平隄夜試
桃花馬明日 君王幸玉泉

又

容易秋笳絕塞回千金不惜爲憐才可憐季子前
年死墓上今誰掛劍來

又

去年扈從到吳門只愛扁舟泊水村今日哭君何
處是楓橋秋雨又黃昏

又

涿水亭幽選地偏稻香荷氣撲尊前夜闌怕犯金
吾禁幾度同君對榻眠

又

顧生老友客平原姜子相知比弟昆自憐白髮江
湖外不得同渠哭寢門

又

黃菊還開舊日叢花間難與故人同秋燈共下傷
心淚只有桐江一釣翁

徐秉義

珥貂隨綵仗簪筆侍長楊盛業須鐘鼎升朝倚棟
梁臨池追小晉採藻逼中唐箕尾身騎去名留天
壤長

又

好文常下士別館傍平津囊著千秋業尊開四座
春斑衣娛尚父綵筆駭詞臣扈從曾相遇誰知永
訣人

又

音容殊未杳萬古隔同遊浩氣還闔闔悲思動

冕旒玉珂槐里月素紉槿原秋欲報心知意河源
作淚流

朱彝尊

驟聽黃雞唱驚隨白馬來百年嗟輟瑟五夜尚銜
杯泉下知安往人間信可哀退朝憐相國封篋忍
重開

又

通籍題羶筆承恩換鶡冠射鳥連矢發走馬萬夫
看禁直昏鐘入廊餐午箭殘傷心倚閭望東第少

歸鞍

又

出塞同都護論功過貳師華堂屬續日絕域受降
時悽惻傳 天語艱難定月支斂魂猶未散消息
九京知

又

屈指論交地星終十二年斯人不可作知己更誰
憐翠漸深門柳紅仍膩渚蓮舊遊存沒半悽斷小
亭前

又

主客披圖得雲煙過眼語吟花成絕筆聽雨罷深
譚畫裏韶顏在尊前麗語耽憑將腸斷句流轉到
江南

又

別悔從前易途傷此日窮迴腸歌哭外搔首寂寥
中跡埽孤生竹枝摧半死桐自今觀物化不詆釋
門空

姜宸英

去去終難問人間有逝波未酬前夕話已失醉中
歌萬事一朝盡千秋遺恨多平生知己意惟有淚
懸河

又

自遣秦和至方知二豎牽禁方親賜與 天語更
纏絲祇欲酬明義何關恃少年他時無限恨悽惻
少人傳

又

侍從張安世名家晏小山承恩惟宿衛適意在花

間客至同開卷朝回只閉關心期如有託寂莫去
塵寰

又

意氣嗟如昨亭臺本自幽非無感慨士不少老蒼
流坐對殊方哭生懸萬古愁竹林哀自響為爾起
悲秋

又

奉使屬當年提戈絕域邊射生供宿膳鑿地出山
泉宛馬終來漢星槎直到天俄聞中使告慘澹素

帷前

董閭

所思人已往，悵望逐流波。略結生前識，空悲死後歌。
報君明義重，愛士感恩多。應有枯魚淚，相過也泣河。

又

曲徑風悲竹，高門雲過山。修文入天上，慧業出人
間。塵滿書連幌，琴虛月映關。惟餘樂府意，瀟灑寄
區寰。

梁佩蘭

侍衛身名貴，朝端禮數優。鶡冠隨豹尾，雞舌傍螭
頭。氣足雄三輔，人言似列侯。還聞奏詞賦，官欲上
瀛洲。

又

宴會猶前日，韶華已早朝。忍留丞相府，不見侍臣
貂。風雅真淪喪，乾坤半寂寥。戟門丹旆影，一片冷
蕭蕭。

又

少小矜才思同時歎絕倫五雲瞻日月三策對天
人掣筆香垂露看花鳥弄春于今那得見天上作
星辰

又

几榻交新網圖書黯舊紗尚巢紅幕燕誰護錦堂
花親淚深霑血

皇恩特祭茶北城當日暮淒切更聞笳

又

仗節峻龍日關前柳正黃去馳千里馬行逐六羸

王沙磧圍羶帳山川畫虎囊功成人不見地下報
君王

又

不死靈娥藥無人奉一盤竟騎蝴蝶去誰作馬蹄
看繡服蒙金骨銀燈照玉棺素車千萬乘殯日送
雕鞍

又

佛說楞伽好年來自署名幾曾忘夙慧早已悟他
生舍利浮金掌毘耶出化城賞吟風月在一碧萬

峰明

又

日有貧交在緣君昔共親尊前蘭渚客花下藕溪人
檢集緡千徧登山哭萬巡不堪腸斷處墳種白楊新

又

軒冕曾無意逢人說馬曹太行知勢險北斗按心
高筆墨留縑素雲霄想羽毛精靈如不散一為降
旌旄

又

嶺外遺書札論交閱有年極知余薜荔相勸客幽
燕氣誼無千古曾懷實大賢豈期觀物化新冢象
祁連

又

飲水題詩卷行邊展畫圖一為雲雨散幾處友朋
孤淚作天河落心將塞草枯平生無此哭不是為
窮途

又

生死原無著枯榮却自分樓臺看落日車蓋歎浮
雲鳥影當前過鐘聲昨夜聞芙蓉朝萎謝零露更
紛紛

徐 鈞

共羨金安上韶年拜奉車如何竒木對翻作茂陵
書詩思花鈴寂 君恩藥裹餘應知謝太傅不忍

顧階除

又

新原俄宿草笳韻咽槐風犀塵沈泉壤金貂感侍

中劔蓮秋匣斷香穗晚篝空愁殺登牀日冰絲暗
綠桐

徐嘉炎

劔花沈處筆花枯白玉樓成事有無妖夢琅邪亡
長豫傷心耶縣育童烏頻年宿衛天關迴萬里驅
馳絕塞孤風雨奉車誰得似秦松魯檜昨秋途

又

蘭畹金荃早擅場曾開銀榜舞霓裳篇章好續尊
前集丹藥難逢肘後方可有甜波來白海空傳鮫

淚泣黃腸堪嗟北斗闌干候結束飛塵入建章

又

蕭齋天際想真人形影曾忘贈荅頻每讀新詞標
側帽驚聞遺計忽霑中孤鸞舞罷方纏恨別鶴絃
摧更愴神玉樹臨風埋著土不堪萬里獨生春

又

樂府花間著作林南朝宮體識餘音玉笙吹徹含
愁句錦瑟傳將惜別心三變遺聲銷柳七九原同
調得陳琳謂迦陵填詞妙手今岑寂中散當年痛撫

琴

周清原

嘉樹生朝陽陸機式瞻在國楨任昉上凌青雲霓司馬彪承

露槩太清曹植何意迴颺舉曹植恍惚似朝榮鮑照落英隕

林趾潘岳黃鳥為悲鳴陸機杳杳落日晚鮑照昭昭素月明

有懷誰能已王粲寤言涕交纓陸雲

又

眷言懷君子謝靈運悽愴傷我心阮籍弱冠參多士鮑照邦彥

應運興陸機既通金閨籍謝眺懷抱觀古今謝靈運詩書敦

夙好陶潛翰墨久謠吟王僧達蔚若朝霞爛陸機清如玉壺

冰鮑昭形影忽不見曹植思君微與音阮籍

又

世胄躡高位左思十載朝雲陛謝眺託身承華側陸機列侍

紫宮裏左思夕息旋直廬陸機晨趨朝建禮沈約延納厠羣

英謝靈運賢達不可紀謝靈運舒文廣國華顏延年清機發妙

理曹攄賦詩連篇章劉楨遺音猶在耳潘岳

又

振衣獨長想陸機徙倚懷感傷十九首翰墨有餘跡潘岳茵

幃張故房潘岳賓友仰徽容陸機清埃播無疆謝瞻千載垂

令名江淹一絕如流光傅咸碧樹先秋落江淹零淚霑衣裳

謝靈運慘愴發哀吟張緒長歎不成章謝靈運

李澄中

素旄青門去良朋白馬來修文終地下射虎果雄
才寂寂歸幽室冥冥閉夜臺平生游覽處觸境總
堪哀

又

應待螭頭筆翻依豹尾旗楓宸名久著薤露世堪

悲山雨侵靈几秋風冷總惟格心憐屬國温語九
泉知

徐樹穀

終賈齡方茂文星遽掩芒鳳憐毛忽隕麟惜趾偏
傷扈輦恩何渥傳經澤未忘如今總惟處前夜讀
書堂

又

花滿春江曲凌雲遇最先清詞繁玉露彩筆麗金
荃磨盾才原敏臨池灑更妍斯人今不起大雅復

誰傳

又

器本青雲秀情逾白玉温嗜書留祕帳執禮到夷
門暝帶辭親淚行迷戀闕魂祇餘芳宴地冷月下
西園

又

每出平津館常來杜曲車論心雙跡外投分十年
初寧忍聞鄰笛空憐檢篋書迢迢天上路望絕玉
樓居

徐炯

慘澹郊原色槐風咽暮笳土中埋玉樹天上別靈
槎古道通門舊高文舉世誇言尋讀書處涕淚灑
青霞

又

昌寓曾驂乘申屠試蹶張應知從細柳時復獻長
楊萬里金駮裏三河繡衲褱鞞留白羽還憶落
雙鷓

又

市駿能憐骨雕龍解作鱗臨邛邀倦客堂阜脫羈
臣夢斷香蓮幕心摧宿草輪平原如可繡花簇趙
州春

又

龍蠖三臺札繁華四姓侯城南推韋杜江左擅風
流竟謝烏皮几空懷紫綺裘芙蓉城畔路應與曼
卿遊

王九齡

射策當年上馭娑久瞻才望鬱嵯峨文章夢吐揚

雄鳳揮灑書籠逸少鵝流水朱絃能和寡傾身白
屋感恩多長埋玉樹真堪恨歎息惟應喚奈何

陸肯堂

相國生才子傳家實象賢盛名嗟歿後餘事憶從
前鳳穴千尋起龍門百尺懸致身由甲第揆藻正
丁年赤管輝煌日青雲指顧邊旣來香案吏應作
玉堂仙命豈文章厄官仍禁近聯獨蒙 恩眷注
常與

帝周旋暫出煩驂乘歸來侍 御筵風前看側帽

花外聽鳴鞭單騎巡邊去雙旌報命還乞降言果
驗勞使 旨曾宣世儘誇騰蹕公猶感伏跽讀書
彌折節下士或隨肩東閣時方啓西園客屢延歲
輸千匹絹月俸一囊錢有譽皆邀賞無才不受憐
例從文選起語自行波傳手著都成集分讎每絕
編時時開玉笥一一志金荃真覺才難盡從知嗜
獨專門風資濟美物望倚陶甄榮穎寧關數蒼茫
欲問天百身餘悼惋一病竟沈緜私痛驚飛鵬餘
哀咽亂蟬風流今已矣勛業卜終焉澤被

皇仁厚天教至性全治喪優詔許宅兆故侯遷落
日山陽笛秋風中散絃執鞭空有願接席永無緣
脈脈愁孤劍沈沈奈九泉異時看史策畫像在凌
煙

吳自肅

不盡酬知意蘭階脈脈通聯牀思夜雨懷刺憶春
風忽促斯人駕應憐吾道窮傷心歌楚些無處問
蒼穹

又

人方推國士天竟妒奇才遺稿留神護招魂動鬼
哀花間堂尚在枕畔夢還來珍重西河淚無勞灑
夜臺

鄒顯吉

風雅應千載知交僅幾人一編遺側帽再讀倍霑
巾投分忘車笠傷心慰賤貧從茲蘭蕙氣香散不
堪紉

又

不覺衡門裏飄零淚暗傾死難忘

帝眷生不媿，朋情曉箭聽。青瑣寒宵話，白萍回思
當日事，悵望暮雲橫。

楊輝

忽得騎虬信，愴然欲斷魂。盛名猶在世，大雅竟誰
論。風雨懷前詰，存亡感舊恩。天心不可問，清淚泣
黃昏。

吳雯

頻年京洛感衣塵，本自橫汾舊隱淪。忽以海南題
柱客，浪傳河上緯。蕭人感因道德交，方古氣爲文。

章意益真許爾千秋是，知己傷心便作九原身。

又

片語端能訂久要，合歡花下和吹簫。琴尊笑語違
三日，帚屐風流隔六朝。豈敢再過丞相府，惟應常
夢侍中貂。夜臺先有阿蒙在，且省茫茫怨寂寥。

又

早年聲譽重瑤林中，歲承恩紫禁深。安世詩書尊
扈蹕，元成閎閱競冠簪。文章頗厭當時望，事業終
懸薄海心。哀樂隨人從不敢，爲君特地一霑襟。

又
十載曾聞幼婦辭願將銀管寫烏絲愁當鸚鵡爭
傳處痛在玲瓏再唱時舊譜漫教蟲網徧閒情空
有笛人知從今錦字休零落一認弓衣也淚垂

邵錦標

檠戟仍排戶圖書已鎖門淒涼看白旒容易哭黃
昏高壠栽新柏前山出斷猿巫陽不可問何處欲
招魂

劉雷恒

脩短偏難問碧虛哀音忽寄北來書清門有種承
台席仙牒無情泣奉車

又

輦路相逢眼倍青寒廬抱影歎伶仃客愁日暮迷
雲樹不道秋風墮歲星

又

贈言揮手託風輪懷裏相依便面親難禁秋來開
什襲墨痕黯澹淚痕新

又

唾珠咳玉積千函側帽新詞恣美談若鑿幽思懸
冀北夜臺須唱望江南

宋大業

英賢分岳秀才子稟星精尺五家聲遠奎三氣象
橫文章推小許經術重元成射策登先甲擣華擅
兩京銀鈎書勁美銅鉢句鏗鉤好學心逾切撝謙
志不盈八叉新詠就三影麗詞清下士常延譽憐
才有鑒衡解衣欣贈紵置腹感推誠公望諧時論
疇咨繫

聖情方看朝旭曜俄歎夕陽傾玉樹埋何痛金徽
黯不鳴人間逝水急天上賦樓迎雨冷書銷蠹魂
迷夢泣瓊孤寒推廣厦寰宇失連城世講關情重
銜哀薦一觥

輓詞

蔡升元

滿江紅

年少翩翩早曾到曲江筵上春堤畔金鞭玉勒桃
花初漲射策舊看飛上苑承恩特賜趨仙仗記
星班常在御屏風香煙傍供奉曲清平唱校

獵賦長楊壯羨風流文采鵬翎虎韞駢乘却陪梁
父禪乘槎直溯天河浪歎從今三殿少朱衣空惆
悵

又

珠履三千渾不數雕龍繡虎曾幾日分題刻燭移
商換羽一片玉河橋畔水數聲金井梧桐雨最淒
清聞笛向山陽人何處座上士松枝塵尊中酒
花間度剩荒烟蔓草銷魂難賦涿水亭邊賓從散
烏衣巷口衰楊舞縱蠻箋十樣寫新詞何情緒

又

躍馬彎弓偏彩筆能工綺語都付與雪兒檀拍異
才天賦坐上朱絃清悄韻曲中紅豆相思句正柔
腸譜到斷腸詞春無主山月暗烏啼曙銀燭地
風吹露歎晨曦易夕人琴已去燕子樓頭紅粉淚
杜鵑聲裏黃昏雨只兔葵一片對劉郎悲前度

沈朝初

滿江紅

搔首青天問底事偏嫌才子休比似彩雲易散琉
璃多脆璞玉渾金人卓犖栽雲縫月詞清麗想歲

星不耐住黃塵人間世 斑虬管文鸞翳蓉城主
瑠樓記逐羣仙上下大荒遊戲哀笛斜陽愁客聽
孤琴流水爲君碎忍埋將瑤樹向青山情何已

又

蘭錡家聲傳朱戶榮同伊陟記早歲五雲臚唱郗
林射策鳳詔揮毫螭陛下龍津侍宴雞翹側掌期
門三十侍中郎承恩澤 桃花騎蜃珂勒蓮花鐸
鮫魚室羨禁中頗牧烽消沙磧玉塞功名追定遠
金城方略思充國待他年鐵面畫麒麟生顏色

又

內殿春晴給筆札金門奏賦凌雲氣
至尊親賞文場獨步紫鳳天吳光璀璨珊瑚寶樹
枝回互問年來待詔滿公車誰堪伍 頌酒德歌
琴緒冠柳集生花句更墨池筆冢跳龍臥虎豈羨
毫從江令足還期袞待樊侯補任蒼生望絕士林
悲摧天柱

又

駿馬臺邊更別築翹林高館勤吐握孔融坐上賓

朋常滿寄遠爭投青玉案分題競滌紅絲硯算蘭
亭梓澤舊風流今從見南皮會西園讌張融塵
表宏扇笑臣饑索米幾同游行魚鳥無依山海竭
芝蘭空歎泉臺掩筮巫咸楚些漫招魂歸來晚

高齋

江城子

日餐沆瀣飲金莖擅科名上蓬瀛却爲多才侍從
擁霓旌桂殿芝房曾出入俄不見總傷情羲和
飛轡幾時停夜臺扃杳冥冥憶昔邊疆萬里請長
纓待到歸降人已歿宣詔諭九泉聽

華鯤

滿江紅

生死悲歡總莫向先生浪語只應是禪關悟錯未
圓初地宿世多聞餘慧業回光一念諧塵趨問匆
匆三十一年中聲何譽完業果王侯第償情債
君親誼也隨他功名詩酒等閒遊戲著處因緣都
舍却本來面目今猶記認茅菴未冷舊蒲團還歸
去

俞兆曾

洞仙歌

靈祇何意送謫仙歸去尋徧蓬萊舊時侶歎飄飄

高舉後假翼難登凝雲散何自要迴天路 依然
闌檻外柳碧花香簾鎖清陰鎮如許問新來倚牀
選夢側帽徵歌淒涼付一霎西窓風雨已鏦毀柯
摧涕霑襟忍想到山前白楊零語

又

英英灼灼羨敷華摘藻珥筆登朝德星耀記蕊宮
珠榜列林店霑紅吟情在暖日濃烟芳草 君恩
稱異數珍重還留 御案邊傍把書校算隨他閒
依玉署臥老花磚何如是侍從長楊春曉每抵得

東華曙光寒對落月疎星句成清悄

又

秋來校獵向千山飛箭一發雲中墮雙鴈遇太平
天子日塞北江南巡游地長在龍旌前面 銀鞍
珠絡馬繁弱初彎蹄觸金飈疾于電視沙堤獸肥
草淺木脫霜濃鷹隼細呼上臂鞞聲健便躡巘摧
叢晚來歸還覓到填詞碧琉璃硯

又

天涯倦旅憶長安巷陌藕蕩漁人眼青白却阮囊

羞澀候湯子心情偷聲譜製就木蘭花闋 東皇
舒霽色賭酒分題小院熏爐篆香熱任才人揮毫
展彩拂塵雄談移情問江上暮春三月經幾度蠻
箋寫烏絲渾不似彤墀珥金貂客

又

梅梢烘破恰燒燈庭院絕塞羈人乍相見更曲闌
香徑外一笑掀顙而今數多作玉樓吟伴 三年
重到處浣罷征塵旋續南皮向時讌怪歸帆芙蓉
湖外纔了鶯花濃陰際懊惱將離開徧剛卸却荷

衣逐羣芳又夢斷金華子規啼怨

又

紅雲送燠報 鸞輿初駕整頓飛黃已多暇喜合
歡含蕊早占取幽芬桃花紙寫到閒情夜夜 堪
悲能幾日冷逼虛堂星隕山頽閉長夏縱 天家
神方屢賜中省頻來難留住夢逐夕陽西下但檢
取遺編再三看空望絕瑤池羽衣多化

五
天
下
水
山
一

新
刊
石
印

明
治
十
年

同
治
十
年

同
治
十
年

同

